

সেন্ট জেভিয়ার্স কলেজ বঙ্গ সাহিত্য সমিতির পঞ্চটিনাম জয়ন্তী উৎসবে প্রদেয় ভাষণ
হেনরি ভি জার্ডিন
কনসাল জেনারেল
১৫ সেপ্টেম্বর ২০০৬

মাননীয় প্রধান বিচারপতি সিরপুরকর, সমাজ বিজ্ঞানী আন্দ্রে বেতি, ফাদার ম্যাথু এবং বন্ধুরা। আজ সন্ধ্যায় কলকাতার সেন্ট জেভিয়ার্স কলেজের বঙ্গ সাহিত্য সমিতির পঞ্চটিনাম জয়ন্তী উৎসবের অনুষ্ঠানে আসতে পেরে আমি খুব আনন্দিত।

সেন্ট জেভিয়ার্স কলেজ শিক্ষার মানের নিরিখে পশ্চিমবঙ্গে সবার আগে সাবালক হয়েছে। জেনে ভাল লাগছে যে আর কয়েক বছর বাদেই এই কলেজ দেড়শ বছরে পা দেবে। এর আগেও কয়েকবার বিভিন্ন অনুষ্ঠানে আমি এই কলেজে এসেছি। আমার মনে হয়েছে, ছাত্রছাত্রীদের বিকাশের পক্ষে এখানকার পরিবেশ সত্যিই ভাল।

ভেবে ভাল লাগছে, জেসুইট-পরিচালিত একটি ইংরেজি-মাধ্যম কলেজ হলেও বাংলার সাহিত্য ও সংস্কৃতি চর্চা এবং এর সু মহান ঐতিহ্যকে ধরে রাখতে এখানে আলাদা ভাবে শুরু হয়েছিল “বঙ্গ সাহিত্য সমিতি”। বাংলার বহু প্রতিভার প্রথম প্রকাশ যে আঙিনায়, সেখানে আসতে পেরে আমার ভাল লাগছে।

বাংলা ভাষা আমার ভাল লাগে। এর আগে ঢাকায় থাকার সুবাদে আমি প্রথম বাংলা শিখতে শুরু করি। কলকাতায় এসেও আমি বাংলা শিখছি, যদিও পুরোপুরি রপ্ত হয় নি। আশা করছি, আগামী দিনে আমি আরও ভাল বাংলা বলতে পারব। এ ব্যাপারে আমাকে উৎসাহ দেবার জন্য সংগঠকদের ধন্যবাদ জানাচ্ছি। গুরুদেব রবীন্দ্রনাথের ভাষায় বলি, “মোর নাম এই বলে খ্যাত হোক, আমি তোমাদেরই লোক।” নমস্কার।
